



Sabeda ai 14 de jügn

Traslaizun dla Santa Crusc – “Porté sö Chël Bel Di”

ales 7:30 prozesciun da San Linert sö La Crusc,
ales 9:30 s.m. sö La Crusc.

Ocio: le lift jará empormó de messé.



Vita de ploania y de paisc

- **Zelebraziun dla Parora de Dio:** tla facolté de teologia a Pursenú vegnel motü a jí n curs por abilité porsones da arjingé ca y tigní Zelebraziuns dla Parora de Dio („Wort-Gottes-Feier“). Con cösc curs de formaziun pón spo ciafé dal Vesco l'enciaria por le sorvisc de condutur dla Zelebraziun dla Parora de Dio. Le curs met man ai 25 de october 2025 y se desfira por endöt 11 sabedes, dales 8:30 ales 17:00, y ciamó 4 dis a mez jügn 2026. Les porsones enteressades dess se meter en contat con Signor Klaus o le president dal consei de ploania. Le termo por l'iscriziun é le 30 de setember 2025. Enformaziuns ince sön: <https://www.pthsta.it/weiterbildung/bthk-wortgottesfeier-2025/26>.
- **La Musiga d'La Pli** envieia der bel al **concert de Pasca de ma**, ai 8 de jügn, ales 20:30 te Ciasa dles Uniuns.
- **La Cooperativa “Por Mareo”** organiseia en dedolönesc ai 10 de jügn, ales 15:00 en domisdé cultural por mituns fora Brach. Jep de Brach cuntará dal Gran Bracun y dal Ciastel de Brach. Düt é enviés

1 Enformaziuns y termins

Oraziun a Oies: la proscima ora de oraziun (da Taizé) tla stöa dla ciasa de Sant Ojöp a Oies, é en vendres, ai 13 de jügn, ales 20:00. Düt é bel enviés.

KWV Seniorencub: en dedemesaledema ai 11 de jügn junse con le Mareobus dla plaza dal Cone ales 8:19 cina a Prettau-Kasern spo a pé fina ala Adleralm.

La biblioteca "Angelo Trebo" romagn slüta dai 16 ai 29 de jügn

**Canche te t'endespres da doman
ponsa do, ci tesur prezius ch'al é podei vire, trá le fle y se ralegré.**

Marc Aurel

Döt le bun a: Angela Maria Erlacher, Uttenheim

* 09.06.1937

Rosa Burchia Trebo

* 14.06.1942

Emma Rindler Willeit

* 14.06.1944

y a düt chi co á santennom y complesc i agn cöst'edema

Impressum:

Ploania d'La Pli; redaziun Franz Rigo, Roman Frontull, Manuela Runggaldier

Comunicaziuns: cina le dedemesaledema sera a Franz Rigo, ☎ 347 2310129 o 📩 ploania@gmx.net
Download plata: www.unitepastorala.org



Plata dla Ploania La Pli de Mareo

Santa Maria dal Bun Consei

Ploan: Signor Klaus Sottas
✉️ klsottas@rolmail.net

Calogna Al Plan: ☎ 0474 501006
Radio de Ploania: 93,00 MHz

UNITÉ PASTORALE



Ann C

08.06.2025 - GRAN FESTA DE PASCA DE MA

**Ví, Spirito Sant, a implí i cörs de tü credenc,
y empeia te ei le fü de to amur. Alleluia!**

(aclamaziun dan le Vangelo)

 St.Ap 2, 1–11 | 1 Cor 12, 3b–7.12–13 o Rom 8, 8–17 | Jan 20, 19–23

Da Pasca de Ma, nes vegnel scinché le Spirito Sant. Al é le Spirito de Dio co dá vita ala comunità cristiana, co deida vire le Vangelo te nostra vita, le Spirito co se deida capí le mister de Gejú y co se deida cresce tla iustizia. I discepui á fat ci che Gejú ti á dit: ai á aspeté al Sprit Sant ch'al ti á empormetü. Al ti é comparí tal segno de lenghes de fü y tla forza dla parora. Pornanche le Spirito Sant é gnü sora i apostui ái motü man da pordiché (1^a letöra). Le Spirito Sant se reveleia le mister de Gejú Salvatur. Al é chel co sinca i carismi, les scincundes dla Dlijia. Chisc é der desvalís, mo düt á ma le fin da porté ennant la comunità cristiana (2^a letöra). Belo la sera de Pasca, le de che al é rosserí, ti fej Gejú avei ai apostui le Spirito Sant. Gejú é pö belo glorifiché, porchel pól ti dé cösta scincunda plü emportanta a düt chi co crei.

da “Bibia di Sandis”

Dal Vangelo do San Jan:

¹⁹La sera dal pröm dé dal'edema, canche i discepui á, dala tema dan dai iüdes, saré pro les portes, él gnü Gejú, é jü amesa ei ete y ti á dit: Pêsc a os! ²⁰Do cöstes parores ti ál mostré söes mans y so costá. Danló se ralegrá i discepui da odee le Signur. ²¹Gejú ti á ciamó n iade dit: Pêsc a os! Desco le Pere m'a mené me, ensciö ves meni iu os. ²²Do ch'al á albü dit cösc, ti ál fladé ados y ti á dit: Recioiede le Spirito Sant! ²³A chi co os ti lasceis do i picés, ti ésai lasciá do; y a chi co os ne ti i lasceis nia do, ne ti ésai nia lascés do.



Ví, Spirito Sant

 Letöres dla gran festa dla SS. Trinité:

Prov. 8, 22–31 | Rom 5, 1–5 | Jan 16, 12–15

n. 28

Edema liturgica dai 08.06. ai 15.06.2025

DOM 08.	GRAN FESTA DE PASCA DE MA	<i>Helga, Engelbert</i>
08:15	gran messa por döta la ploania s.m. por la fam. Gottfried y Rita Pedevilla, Parü s.m. por † Maria Rindler Daverda, Corterei → ores d'adoraziun: do messa cina les 10:15 Curt, dales 10:15 ales 11:15 La Pli y Pliscia	<i>oferta por la ploania</i> <i>J Wolfgang Amadeus Mozart, "Missa brevis in G" KV 49</i>
10:00	zelebraziun dla Parora de Dio a Al Plan	
→ 14:30	espi da festa y benedisciun eucaristica	
Lön 09.	LÖNEC DE PASCA DE MA Maria, Oma dla Dlijia al vá ennant le tomp ia por l'ann	<i>Vinzenz, Colomba</i>
→ 08:15	zelebraziun dla Parora de Dio con adoraziun eucaristica	
10:00	gran messa a Al Plan	
Ded 10.	beat Heinrich da Balsan, Diana, Stachio	
07:30	s.m. a Antermeia	
Dem 11.	Barnabas, Paula, Alice (Adelheid)	
Jöb 12.	Leo III, beata Hildegard Burjan	
07:30	s.m. a Rina	
Ven 13.	Antone da Padova, Bernhard d'Aosta	
08:00	s.m. de rengraziamont por l'ann de scora a Al Plan	
→ 10:00	s.m. de rengraziamont dal ann de scora	
Sab 14.	Sabeda de Santa Maria / Meinrad, Fortunat	
10:00 ca.	röa adalerch la prozesciun da Valdaora, s.m. do entenziun	
18:00	s.m. prefestia a Al Plan	
DOM 15.	GRAN FESTA DLA SS. TRINITÉ DOMEGNA DLES FAMILIES	<i>Vitus, Germana, Lothar, Gebhard</i>
08:15	gran messa por döta la ploania s.m. de rengraziamont por la vita y la sanité s.m. por les families de Bolser	<i>oferta por la ploania</i>
10:00	gran messa a Al Plan	
ampola:	por les families	
ministrónç:	• lönesc y sabeda: Linda y Sara T. • domegna: Melanie y Timea, Moses y Elias	



Spirito scinché, picé pordené

I ponsi do

Le Spirito Sant é Spirito de pêsc:
al ven sön le monn por porté
ennant la misciun de Gejú por
che dötes les generaziuns co
ven poi encunté le Signur y vire
con el.
Encö renovunse la scincunda
ch'i án dük ciafé tal Bato y
confermé tla Crejima. Le Spirito
é present te nos: i orun le lascé
laoré zonza le sofié.



I periun con i confirmés do les set scincundes dal Spirito Sant:



Ví, Spirito Sant, tö **Spirito dla sapionza!** Deidemo meter mia vita sön fondamontes sogüdes. Láscemo ponsé do endortöra denanco tó na dezijiun. Fá ch'i ne mo slüji nia ete mo ch'i mo daüri ai atri.

Ví, Spirito Sant, tö **Spirito d'intelionza!** Deidemo odee ete ci co é bun y dert. Láscemo porté dant mia minunga con sinzirité y ciarenn da capí i atri.

Ví, Spirito Sant, tö **Spirito dal consei!** Deidemo da tó consei con prudenza y da dé de der conseis, sc'i vegni perié. Tö mo baies ados tla Sacra Scritöra. Tö mo baies ados te ci co sozed encer me ia. Tö mo baies ados tai conseis de de bones porsones. Tö mo baies ados te mia coscionza: i ó t'ascuté.

Ví, Spirito Sant, tö **Spirito dla conescionza!** T'as fat la creaziun do n plann sapiont y t'as motü leite de gran poscibilités ch'i podun sfrüté. I oress emparé da conescionza deplü to monn y colaoré por le ben de döta la jont.

Ví, Spirito Sant, tö **Spirito dla forza!** Deidemo superé la comodité y la pora. Dámoo coraji canche ara se trata da sté ete por mia fede y mia convinziun.

Ví, Spirito Sant, tö **Spirito dla pieté!** Deidemo ch'i mo recordi tai segns da vignedé ch'i sun orü da Chel Bel Dio. Enségnemo da perié aladô ch'i ciafi forza da jí ennant y vegni lede. Deidemo da m'astelé do la orienté de Dio.

Ví, Spirito Sant, tö **Spirito dal timur de Dio!** Enségnemo da odee ete tan bun y tan sant che Chel Bel Dio é y tan de ligreza che so confort mo dá, che degün fai y degüna colpa ne sciafia da mo destaché da d'el. Enségnemo da avei respet por i evenç y les cosses che Chel Bel Dio adora da mo baié ados.

I preii ensciö

Ví ete te nos, Spirito Sant, illumineia nosta mont, portesse les scincundes dal ci, tö che t'es creatur de dötes les porsones.

Menesse les set scincundes, o Spirito, che t'es bun da fá döt, por che vigne nosta parora sii arvenüda da töa sapionza divina.

Fá ch'i sunse bogn da davagné untra le nemich, para demez nüsc slec ponsiers y delibreiesse da döt ci co se tira al mal. Con té gnarunse stersc y i ne se metarun nia plü al prigo.